

《全真青玄济炼焰口铁罐施食全集》（下卷）

（四川二仙庵方丈阎笙阶 校刊 玄门邱祖龙门派弟子陕西陈景展道号善溪子 谨敬输录）

（天尊符命下丹台，童子传言地狱开。  
解释伤残全本性，闻经授戒上蓬莱。

奉玄元召到幽魂，内有）

杀伤、自缢、溺死、胎伤、塚讼、邪妖、药死、冤债、复连、狱死

（伤亡等众如何赦解具有解，杀伤符命谨当告下，宣符）

《十伤符》：

第一法界，一切守边护界，南征北战，东挡西除，将帅军卒，并及犯法  
遭刑，无辜杀伤，一切孤魂等众，解伤符命，谨当告下。

灵宝净明，解释一切杀伤符命

右符告下

三界十方，应管六道四生，十类孤魂滞魄，冥司去处，解释一切杀伤孤  
魂。遵承符命，咸登道岸。伏愿

命刀断利，宝剑摧锋。永消残害之灾，各随逍遥之乐。出离苦趣，来享  
玄功。一如诰命，风火驿传。

《阴小赞》：

刑戮杀伤魂，斧刃临身，枪刀剑戟血刃喷，今仗宝诰资度汝，干戈不侵，  
干戈不侵。

第二法界，一切抱屈负愧，羞惭悬梁，自缢孤魂等众，解伤符命，谨当  
告下。

灵宝净明，解释一切自缢符命

右符告下

三界十方，应管六道四生，十类孤魂滞魄，冥司去处，解释一切自缢孤  
魂。遵承符命，咸登道岸。伏愿

绳索断利，悬梁悉释。永无自缢之罪，各随逍遥之乐。出离苦趣，来享玄功。一如诰命，风火驿传。

自缢与伤残，累劫经年，自缢自毒苦无边，盍纠缠身皆何释，断灭恶缘，断灭恶缘。

第三法界，一切江河湖海，损破船筏，并及投河落湾，溺死孤魂等众，解伤符命，谨当告下。

灵宝净明，解释一切溺死符命

右符告下

三界十方，应管六道四生，十类孤魂滞魄，冥司去处，解释一切溺死孤魂。遵承符命，咸登道岸。伏愿

早离欲海，速出爱河。永消沉溺之灾，各随逍遥之乐。出离苦趣，来享玄功。一如诰命，风火驿传。

漂流波涛内，沉溺流漓，慈悲化现蓬莱路，速出爱河成正果，永度迷津，永度迷津。

第四法界，一切冤家债主，今世为儿取命化财，再身离身，产死孤魂等众，解伤符命，谨当告下。

灵宝净明，解释一切胎伤符命

右符告下

三界十方，应管六道四生，十类孤魂滞魄，冥司去处，解释一切胎伤孤魂。遵承符命，咸登道岸。伏愿

速离孕胞，快出胎养。永无损伤之虞，各随逍遥之乐。出离苦趣，来享玄功。一如诰命，风火驿传。

胞胎产婴孩，损堕尘埃，十月怀胎身受灾，未娩灵魂出长夜，超荐形骸，超荐形骸。

第五法界，一切塚讼徵呼，两家相争，倚强凌弱，或遭王法，笞杖徙流，斩绞刖刮，牢狱枷锁，横死孤魂等众，解伤符命，谨当告下。

灵宝净明，解释一切塚讼符命

右符告下

三界十方，应管六道四生，十类孤魂滞魄，冥司去处，解释一切塚讼孤魂。遵承符命，咸登道岸。伏愿速出塚讼，各息争端。永消追呼之苦，各随逍遥之乐。出离苦趣，来享玄功。一如诰命，风火驿传。

阴阳妙难通，选择佳城，龙败虎残地脉倾，塚讼徵呼皆消散。出离阴城，出离阴城。

第六法界，一切邪妖克害，情昏神迷，精耗形枯，一切孤魂等众，解伤符命，谨当告下。

灵宝净明，解释一切邪妖符命

右符告下

三界十方，应管六道四生，十类孤魂滞魄，冥司去处，解释一切邪妖孤魂。遵承符命，咸登道岸。伏愿返邪归正，慕道求真。永无克害之灾，各随逍遥之乐。出离苦趣，来享玄功。一如诰命，风火驿传。

迷惑苦无边，妖魅克残，恶鬼横行欺罔天，辅正除邪资度汝，劝化成仙，劝化成仙。

第七法界，一切冤家斋主，行节生利，荡产破家，药死孤魂等众，解伤符命，谨当告下。

灵宝净明，解释一切药死符命

右符告下

三界十方，应管六道四生，十类孤魂滞魄，冥司去处，解释一切药死孤魂。遵承符命，咸登道岸。伏愿天医求赦，扁鹊施功。永无痛楚之苦，各随逍遥之乐。出离苦趣，来享玄功。一如诰命，风火驿传。

医道未能精，遍济施功，药有八般犯刑冲，一切中毒药死鬼，荐上南宫，荐上南宫。

第八法界，一切怀恨藏（cang）毒，惧怕王法，冤屈无伸，倚势强逼，毒药所残孤魂等众，解伤符命，谨当告下。

灵宝净明，解释一切冤债符命

右符告下

三界十方，应管六道四生，十类孤魂滞魄，冥司去处，解释一切冤债孤魂。遵承符命，咸登道岸。伏愿

仇人冰判，冤债零消。永无执对之灾，各随逍遥之乐。出离苦趣，来享玄功。一如诰命，风火驿传。

抛撒骗人钱，冤债难免，千生万死要填还，吾今解释冤和孽，永断牵缠，永断牵缠。

第九法界，一切先亡复连，沉痾痼疾，冤魂牵缠，复连孤魂等众，解伤符命，谨当告下。

灵宝净明，解释一切复连符命

右符告下

三界十方，应管六道四生，十类孤魂滞魄，冥司去处，解释一切复连孤魂。遵承符命，咸登道岸。伏愿

沉痾顿息，宿债咸除。永无传染之灾，各随逍遥之乐。出离苦趣，来享玄功。一如诰命，风火驿传。

妖星法界中，世间流行，瘟疫疫疠复连冲，宿债顿息皆消灭，庆云生生，庆云生生。

第十法界，一切牢狱凶徒，强窃盗贼，非刑狱死，伤亡孤魂等众，解伤符命，谨当告下。

灵宝净明，解释一切狱死符命

右符告下

三界十方，应管六道四生，十类孤魂滞魄，冥司去处，解释一切狱死孤魂。遵承符命，咸登道岸。伏愿

鞭笞风息，狴犴澄清。永无拘吉之灾，各随逍遥之乐。出离苦趣，来享

玄功。一如诰命，风火驿传。

有罪并无辜，囚禁囹圄，鞭杖笞流凶徒苦，永消縲绁承道力，罪业蠲除，罪业蠲除。

昔，南华真人遨游楚国，见白骨一付，嚚然仰卧，遂作叹词一首。仰劳大众，述而歌（念）之。

《金骷髅》：

昨日荒郊去玩游，忽睹一付白骨，白骨骷髅。嚚然无语卧荒坵，冷恹恹，风吹败叶满径，满径堆愁。骷髅骷髅，眷属无音，恩爱恩爱全丢。雨打风筛今几秋，恨悠悠，不闻人语，惟听惟听溪流。骷髅骷髅，半世行藏，恍似恍似浮沤。富贵功名怎到头，枉营谋，金珠万斛，难续难续咽喉。骷髅骷髅，一旦无常，万事万事全休。想是前生总欠修，广愆尤，光阴迅速，顷刻顷刻难留。奉劝人生急早修，莫悠游，早求解脱，同赴同赴瀛洲。

昨日荒郊野外，只见白骨交加，无言无语卧荒沙，又被风吹雨洒。活时堆金积玉，死后那个荣华。三寸气断咬银牙，仰面西江月下。

《银骷髅》：

昨日荒郊去玩游，忽睹一个大的大的骷髅。荆棘丛中草墓坵，冷飕飕，风吹荷叶荷叶到愁。骷髅骷髅，你在滴水河边，卧沙卧沙清风。碎草为毡月作灯，冷清清，又无一个来往往来弟兄。骷髅骷髅，你在路边，这君子，你是谁家一个一个先亡。风吹雨洒似雪霜，泪汪汪，痛断痛断肝肠。骷髅骷髅，我看你，只落得，一对一对眼眶。看叹人生能几何，莫蹉跎，金乌玉兔，来往往来如梭。百岁光阴一刹那，似南柯，早求出离，苦海苦海劫磨。今宵修设冥阳会，金炉内，才焚焚上宝香。广召灵魂赴道场，消灾障，受沾法力，送往往送仙乡。

追魂度命天尊。

《大叹文》：

伏以，三途罢拷，六道灵坛。生于万国九州之地，居于五岳四渎之中。春秋之世，判乱真主草主。战国之时，并吞南朝北朝。晋宋齐梁，棺椁尽埋于旷野。周秦吴魏，尸骸俱葬于荒郊。春去秋回，四时不逢于祭祀。寒来暑往，八节罕遇于追修。凄凄惨惨，使用钱财那有。讴讴歌歌，吃穿衣食并无。冻的皮破肉绽，饿的形瘦骨枯。老的少的，悲悲切切。大的小的，哭哭啼啼。瘸的跛的，扶墙摩壁。聋的哑的，摆手摇头。瘫的瞎的，扯扯拽拽。强的弱的，闹闹诹诹。冷冷清清，饥寒难忍。泪泪汪汪，苦楚伤情。可怜可怜，哀哉哀哉。既到吾坛，必听吾示。不许混争乱抢，休要逞势撒泼。莫使粗心大胆，勿得弄犬惊鸡。早向今宵求解脱，勿学往日用痴迷。且喜当坛之胜会，丢却背后之是非。最忌蛇心鼠眼，犹嫌虎咽狼飧。饱则从君请便，饥则任意所飧。都来拱手听加持，面礼真师求解脱。尚虑汝等诸仙子众，自倾阳世，久处阴司。神魂荡散，精魄飞扬。咽喉闭塞，饮食难通。仰仗道力，宣扬秘咒。

《咽喉咒》：

茫茫酆都中，重重金刚山。  
灵宝无量光，洞照炎池烦。  
七祖诸幽魂，身随香云旛。  
定慧生莲花，上升神永安。  
功德金色光，晖晖开幽暗。  
华池流真香，莲盖随云浮。  
千灵重（zhong）元和，常居十二楼。  
急宣灵宝旨，自在天堂游。  
寒庭多悲苦，回首礼玄皇。  
女青灵宝符，中山真帝书。  
一念升太清，默念观太无。  
功德九幽下，旋旋生自虚。  
悲哉苦魂众，热闹三途中。  
猛火入咽喉，常生饥渴念。  
一洒甘露浆，如热得清凉。  
神魂生大（dai）罗，润及于一切。  
二洒甘露雨，五脏悉开张。  
咽喉久冷散，得达悟真常。

三洒甘露水，濯体炼金光。  
营魄归太上，朝谒礼虚皇。  
众生多结冤，冤深难解结。  
一日结成冤，三世报不歇。  
我今传妙法，解除诸冤孽。  
闻诵志心听，冤家自消灭。

吾以济拔心，普救群品。吾以哀悯心，普度众生。仗太上慈光，秉天尊慧力。施无边无碍之食，祭有情有识之魂。旁资十类河沙，遍及九州分野。乃至胎卵湿化，鳞甲羽毛。虽云异兽之徒，尽在法界之中。若神若鬼，是男是女。虽众魂由如尘沙，然此地不过寻丈。赖威神力为广大，区容无殃于黍珠，纳须弥于介子。尚虑法食有限，尔众无穷，焚化真符，宣扬秘咒。甘露自天而降，法食如山之高。凡曰饥虚，悉令饱满。当生惭愧，托化有期。法众虔诚，平等咒食。

清凉甘露天尊。

玉诀应化甘露食，普施河沙众鬼神。  
愿皆饱满舍悭贪，托化人天生净界。

汝等鬼神众，吾今施汝众。  
一粒遍十方，河沙鬼神用。

常乐天宫不夜春，普施甘露济群生。  
顿悉尘埃归正道，法众调诵五厨经。

《五厨经》：

一炁和太和，得一道皆太。  
和乃无一和，玄理通玄际。  
不以意思意，亦不求无思。  
意而无有意，是法如是持。  
莫将心缘心，还莫住绝缘。  
心在莫存心，真则守真渊。  
修理志离志，积修不符离。

志而不修志，已业无已知。  
诸食炁结炁，非诸久定结。  
炁归诸本炁，随取当随泄。  
奉请变食神王，变食小吏。  
变此法食，遍满天地。  
自然天厨食，普及于一切。  
神魂饥渴者，尽沾甘露味。  
奉请东王公西王母，太乙天尊降甘露。  
三天无量食，充满法界中。济汝饥渴者，清净无量身。饥虚生饱满，热  
闹得清凉。一切饥渴者，同登极乐界。

志心皈命礼。  
青华长乐界，东极妙严宫。七宝芳蹇林，九色莲花座。万真环拱内。百  
亿瑞光中，玉清灵宝尊，应化玄元始。浩劫垂慈济，大千甘露门。妙道  
真身，紫金瑞相，随机赴感，誓愿无边。大圣大慈，大悲大愿。十方化  
号，普渡众生。亿亿劫中，度人无量。寻声赴感  
太乙救苦天尊，青玄上帝。

十方诸世界，灵宝之众神，十王判司官。惟愿大慈悲，降临来法会。

摄受香花灯水果，惟歆分散妙供养。  
一炷真香通信去。五方童子引魂来。

《反五供》：

吽字涌出香（花灯水果），天母供养，一念慈悲放光明。哈哈上尔，手  
印手印持妙香（花灯水果）。哈哈下尔，手印手印能相交。吽吽哈哈唵  
嘛嘞吽哈，微妙香（花灯水果），天母供养，供养神，愿我师慈悲哀纳  
受。

天香国色自长春，灿烂盈盘表至诚。  
梅花宝引垂证鉴，亡灵得度礼慈尊。

《梅花引》：



稽首东宫主，救苦救苦慈尊。太上慈仁，广发洪誓愿，度脱度脱众生。  
道德天尊救苦天尊，大惠真人，救苦救苦真人。九幽地狱，一切冤愆，  
化作化作微尘。青华宝诰，金口宣扬，上荐上荐亡灵。真人手内，杨柳  
洒滴甘露味，润在亡者喉中。大慈大悲，普济普度普度众生。惟愿今宵  
来赴青华会，接引亡灵，上往往上南宫。

《反干倒拐》：

千千鬼祟低头拜，万万王侯拿简迎。  
昔日曾为光牧女，发洪誓愿度众生。  
杳杳冥冥似鬼王，慌慌忙忙失家乡。  
哀哀怨怨如孤雁，饥饥渴渴似饿狼。  
寂寂寥寥无祭祀，褴褛褴褛受恓惶。  
悲悲切切如云梦，凄凄惨惨痛哀伤。  
急急忙忙苦忧愁，寒寒冷冷度春秋。  
朝朝（zhao zhao）暮暮莫活计，烦烦恼恼白了头。  
是是非非终日有，艰艰难难几时休。  
来来往往闻消息，万万千千谁肯修。  
分明大说恩光路，欢喜众等赴瀛洲。

大救苦引

礼拜天尊圣号，解冤灭罪消愆。  
度汝幽（灵）魂早生天，大地祥光出现。  
来赴甘露胜会，逍遥快乐无边。  
九玄七祖尽升仙，全凭法力追荐。

《大救苦引》：

以此真香摄召请，当愿亡者悉遥闻。  
仗凭三宝力加持，此日今时来赴会。

运心平等，法力无边。恭对寒灵前，称扬宝号。无量功德，慈尊广现身，  
妙色相甘露王，慈悲救苦超升度。哭声悲声憾云霄，夜迢迢，无量婆伽  
法谛。今宵幸遇法筵开，出苦海，摄召幽灵来赴会。

仰启青华教主教主大慈悲。普放祥光无数亿。绿柳甘露洒幽关，普赦地狱诸罪滞。皈叩十王十王大慈悲，开赦幽灵来赴会。（重）

《阴小赞》：

经宝号三乘，度脱沉沦，罪业山海尽消融。出离三途并五苦，罪灭福生，罪灭福生。

修真悟道天尊。

《生神章》：

自然生神章，金书开大有。  
天尊大慈悲，宣扬秘密咒。  
奉荐诸幽魂，诚心来稽首。  
吾今咒法食，惟愿歆来受。  
自然天厨食，吾今密加持。  
一粒遍十方，河沙鬼神用。  
饥渴永消灭，食之赴瑶池。  
今将献幽灵，功德不思议。  
冷冷甘露滋，法食难思议。  
骞香流七真，冥冥何所疑。  
受此法食者，生天登紫微。  
福田高巍巍，供养冷清清。  
一切有为事，普皆成代命。  
拔离三途苦，施汝九玄庆。  
临坛受食者，诸天皆赞咏。  
七祖生天堂，幽魂朝上清。  
愿以不思议，功德妙济力。  
仗此清净水，化为甘露味。

苏酖摩味天尊。

《孤魂赞》：

孤魂幽爽久沉沦，未遇玄元拔度恩。  
朝伴白云藏（cang）洞穴，暮随皓月隐山林。  
春去秋来闻鸟唱，寒来暑往听鱼歌。  
早向今宵求解脱，丹天世界尽超升。

法食神变天尊。

太上法食，变少成多。粒米如山，滴水成河。普遍无边，恒沙数多。孤魂滞魄，永免沉疴。

修设斋筵，广拔无边罪。救苦天尊，来洒甘露味。太上慈悲，秘咒功德力。加持法食者，赈济幽阴鬼。

《挂金锁》：

修设斋筵，大慈因缘起。救苦天尊，化现云端里。手持杨柳，遍洒甘露味。赈济孤魂，法食难思议。遍洒虚空，普度无边际。接引众魂，脱离诸苦趣。不违本元，来赴今宵会。证盟功德，普放云厨味。专等今宵，来赴甘露味。

《刀兵偈子》：

斋主信心，敬谨虔诚意。正荐先灵，附近来临会。四生六道，十类孤魂鬼。闻者生天，同赴朱陵会。专等今宵，来赴甘露味。  
枉死城中，凜冽悲风起。鬼门关前，叫苦声动地。负命图财，冤债相侵逼。自缢投河，飞跌石崖内。犯法遭刑，刀剑分身体。虎咬蛇伤，蛊毒及魇魅。痛苦孤魂，愿承恩光力，专等今宵，来赴甘露味。  
鳏寡孤独，老幼并贤愚。盲聋喑哑，瘸跛及残疾。终日懒惰，不务营生理。每日到晚，挨墙又把壁。好儿好女，与人为奴婢。痛苦伤情，短叹长嘘气。贫寒孤魂，愿承恩光力，专等今宵，来赴甘露味。  
累劫多年，历代帝王位。王子王孙皇亲皇后妃。迷失坟莹，国家无人祭。专等今宵，来赴甘露味。  
助国安邦，文武忠良辈。舍死亡生，只为名和利。做贾（gu）行商，买卖无心意。恋酒贪花终日迷昏醉。奸盗邪淫，抛妻并撇子。老不收心，流落无依倚。游娼孤魂，愿承恩光力，专等今宵，来赴甘露味。

城市乡村，巧匠并各艺。省府州县，官员司典吏。道释儒门，术士共巫医。渔樵耕读，庄农为活计。脚忙手乱，日夜无眠睡。绿鬓朱颜，不觉苍容粹。百艺孤魂，愿承恩光力。专等今宵，来赴甘露味。

武将雄兵，两阵交锋击。炮响三声，吓的心胆碎。杀气腾腾，旗号遮天地。阵亡孤魂，愿承恩光力，专等今宵，来赴甘露味。

雷打火烧，强徒凶恶辈。车碾马踏，肢节如粉碎。末劫年终，天行时气鬼。乱世饥荒沿门叫咩吃，命丧他乡，不得归家去。灵魂飘荡，两眼双流泪，饿殍孤魂，愿承恩光力，专等今宵，来赴甘露味。

身穿缁衣，摩顶来受记。奉戒持钵功行多累积。未明禅机，不达西来意。圆寂觉灵，愿承恩光力，专等今宵，来赴甘露味。

养性修真，访师求玄理。阐扬法门，符水广救济。未遇明师，迷朦被魔闭，羽化仙灵，愿承恩光力。专等今宵，来赴甘露味。

斗秤牙行，希求蝇头利。截长补短，瞒心更昧已。华言巧语，奸计谎愚迷。造业孤魂，愿承恩光力，专等今宵，来赴甘露味。

行善之人，常在人伦世。供奉三宝，福力无边际。舍财布施，结下缘辘会。今遇追修，愿承恩光力，专等今宵，来赴甘露味。

行恶之人，骂天又恨地。压善欺良，捏死将人治。谎的钱财，害众成家计。无义孤魂，愿承恩光力，专等今宵，来赴甘露味。

不信道法，雷声半空里。五色龙云，天降粗风雨。雷击龙霹，死在路途地。横死孤魂，愿承恩光力，专等今宵，来赴甘露味。

采砍山林，险峻巅峰立。失手错脚，闪到石崖内。骨碎皮开，尸横血流地。跌死孤魂，愿承恩光力，专等今宵，来赴甘露味。

六月炎天，平地火光起。推车挑担，枯热无人济。口内生烟，一命归阴去。热死孤魂，愿承恩光力，专等今宵，来赴甘露味。

冬月寒天，路途行客至。身边无衣，冷气临身体。冰雪遍地，往往无人济。冻死孤魂，愿承恩光力，专等今宵，来赴甘露味。

杀人放火，十恶五逆辈。王法无情，拿在地狱内。笞杖徙流，绞斩分身体。横死孤魂，愿承恩光力，专等今宵，来赴甘露味。

十月怀胎，儿女在腹内。坐草昏迷，果报来催逼。气血冲心，母腹未分离。产死孤魂，愿承恩光力，专等今宵，来赴甘露味。

圣号圆满，宣扬今宵会。追荐亡魂，已得生天去。脱离三途，永超诸苦趣。逍遥快乐，功德不思议。闻法登天，速证玄家偈。归去来兮，同赴青华会。面礼慈尊，敬谢恩光力。专等今宵，来赴甘露味。

逍遥快乐天尊。

《咒枣偈》：

汝等仙子（人伦、魔灵、地狱、饿鬼、畜生）众，吾今施汝供。  
一粒遍十方，河沙鬼神用。

自然天厨食，吾今为加持。  
一粒遍十方，河沙鬼神用。  
饥渴永消灭，食之赴瑶池。  
今将献幽魂，功德不思议。

万里悲嚎实可哀，五音苦爽出泉台。  
贤愚难辨分高下，贫富斋筵普列排。  
任使饥寒生饱暖，从今忧闷且开怀。  
这回地狱无间阻，自此天堂有路开。

《说三宝》：

示谕汝等诸仙子众，已享天厨之妙供。得闻  
太上之真经。静立片刻，听吾宣告。  
自从累劫，乃至今生，性本灵明，与天同久。因贪因著，有死有生。既  
归有漏之形，不悟无为之道。千般积业，万种贻愆。奈缘名利之交攻，  
故有饥寒之相逼。今已魂飞魄散，只存尸鬼而游。气绝形无，焉有幽阴  
可恋。四大既然空矣，一灵何亘昧乎。仗此  
太上之威光，烛彼本来之真性。澄澄湛湛，了无生死之相关。混混融融，  
静合虚无之妙道。既得丰衣足食，各宜改旧换新。湛湛青天，现出本来  
面目。明明心镜，照见自己元神。回光返照，悟道登真。先当皈依三宝，  
然后听受九戒。  
夫三宝者，脱苦海之津梁，等人天之梯级。守持不怠，得遂往生。

玄元开化道经师，普度天人朝太虚。  
接引孤魂生仙界，当坛稽首礼皈依。

道经师宝天尊。

第一皈依无极至真道宝。当愿一切有情世生永消身业，不堕地狱道。

消除身业天尊。

《云乐歌》：

稽首皈依道，大（dai）罗元始尊。

慈悲流大教，生死荷玄恩。

愿烧道宝香，生生长供养。

夫道宝者，杳冥之中，显无象之象。虚无之外，示自然而然。为三界之独尊，作万民之始祖。慈悲广济，应感无穷。开度群生，故为道宝。

《阴三尊赞》：

清微天，玉清境，道祖凝真五色顶，梵炁弥罗一宫神，金光辉映虚无境。

万天中，绵劫永，出有入无乾元圣，惟愿慈悲降道场，天龙神鬼皆称庆。

大圣道宝天尊。

第二皈依无量至真经宝。当愿一切有情世生永消心业，不堕畜生道。

消除心业天尊。

稽首皈依经，三十六部尊。

自持为他转，延福济幽冥。

愿将经宝香，生生长供养。

夫经宝者，赤明肇始，结炁成文。灿烂而八角垂芒，敷露而玉篇郁秀。

总三乘之蕴奥，广万有之筌蹄。解悟无穷，故命经宝。

禹余天，上清境，大道玉宸君所载，金阙玄台会至真，龙章凤篆传经戒。

度三皇，分五太，灵宝宗主功德大，惟愿慈悲降道场，天神人鬼皆称快。

大圣经宝天尊。

第三皈依无上至真师宝。当愿一切有情世生永消口业，不堕饿鬼道。

消除口业天尊。

稽首皈依师，无为离欲尊。  
见存增福寿，过去早超升。  
愿将师宝香，生生长供养。

夫师宝者，德作天地，道冠三才。演法度人，随方立教，实仁人之慈父，作古今之医王。接引群迷，开通未悟。大德难量，故名师宝。

大赤天，太清府，老君玄元尊所部，降炁分形应化身，随方设教为先主。天人师，儒释父，普济津梁生死路，惟愿慈悲降道场，天龙神鬼皆得度。

大圣师宝天尊。

夫三宝者，精微至寂，妙湛难思。杳冥之中，恍惚有象。虚玄之内，感而遂通。各发精诚，勿生懈怠。

师宝实难量，大发慈航。幽冥地狱放祥光，度脱亡灵登天堂。快乐无疆，快乐无疆。

皈依三宝师，四生父，一切有情皆得度，刀山剑树化蹇林，火翳炉炭成清暑。步祥云，洒甘露，接引孤魂出迷途。惟愿天尊来降临，孤魂受炼朱陵府。宣告汝等诸仙子众，皈依三宝已毕。从今万罪消除，断却贪嗔痴爱，扫灭奸盗邪淫。修身按孝悌忠信，莅政行礼义廉耻。省（xing）心悟道，永离地狱之苦。听戒登真，常享天堂之乐。示谕孤魂，精诚受偈。

祖师真机秘法传，玄微普济度人天。  
坛下仙子来参受，须听真师说戒言。

《说九戒》：

第一戒者，敬顺，孝养父母。

切以，归心曰敬，谦和曰让，竭力顺父母颜色曰孝。生则备服食，死则奉祭祀，曰养。不得违背父母，忘荐祀之诚。知礼者，能养其志。劳谦者，能竭其力。存孩提爱亲之心，尽吾终身之慕。靡不有初，慎终如一。何以加于孝乎。受持之后托生人中，获端正长寿果。能持此戒，名曰初真戒。汝等仙子，可能持否。（众答）

天上人间，信受奉行。

第二戒者，克勤，忠于君王。

切以，自胜胜人之果敢。圣人云，克己复礼，君子之心也。忌刻，小人之心也。曰克。劳力尽心，终日不怠，曰勤。执一性命以道事君，曰忠。不得违背君王，就伪忘真。事君能致其身，食禄不避其难。夙兴夜寐，政修人和。念兹在兹，可谓忠矣。受持之后托生人中，获禄位清显果。能持此戒，名曰念真戒。汝等仙子，可能持否。（众答）

天上人间，信受奉行。

第三戒者，不杀，慈救众生。

切以，用心损物，曰杀。忍辱悯物，曰慈。度一切苦厄，曰救。常以平等慈心，怜悯众生，视同我命。度脱有情，济恤贫乏。成汤祝网，孔子不纲。德云甚盛，实胜称名。流水救涸，法妙难量。无罪何择于牛羊，有养乃至犬马。见其生，不忍见其死。闻其声，不忍食其肉。无务于仁。受持之后托生人中，获吉庆安乐果。能持此戒，名曰持真戒。汝等仙子，可能持否。（众答）

天上人间，信受奉行。

第四戒者，不淫，正身处物。

一切不以礼交曰淫，心无邪想曰正。夫男女有别，人之大伦。血气未定，戒之在色。心无邪思，性兼尽物。非礼勿动，守死善道。常须检束身心，勿令放荡滋事。受持之后托生人中，获清净善性果。能持此戒，名曰守真戒。汝等仙子，可能持否。（众答）

天上人间，信受奉行。

第五戒者，不盗，损人利己。

大凡世间一切物件，取之不以礼，曰盗。常须存义，损己利人，布施接物。切以，千金不盼，何有乎直，不疑诬偿万钟，何加乎宁。至于季康子患盗，见义不为，无勇也。克己复礼于人乎。体道自然，以保其身。受持之后托生人中，获富贵豪胜果。能持此戒，名曰保真戒。汝等仙子，可能持否。（众答）

天上人间，信受奉行。



第六戒者，不嗔，凶怒凌人。

大凡憎人曰嗔，害物，曰凶。弃物，曰怒。不得动生嗔怒，凌辱万物。常须处众谦和，灭除心火。切以，血气方刚，戒之在斗。喜怒中节，发之谓和。盖有见其过而内能自讼者也，未有不好犯上而好作乱者。修己以敬，毋过于此。受持之后托生人中，获十相具足果。能持此戒，号曰修真戒。汝等仙子，可能持否。（众答）

天上人间，信受奉行。

第七戒者，不诈，谄贼害善。

夫巧言伪语曰诈，乘时逐势曰谄，阴谋暗算曰贼害。圣人云，信近于义，言可复也。令色足恭，毋乃佞乎。媚嫉彦圣，实不能容。绝灭天理，是之谓贼。成己成物，不妄言绮语。常须正直，表里无私。受持之后托生人中，获聪明智慧果。能持此戒，号曰成真戒。汝等仙子，可能持否。

（众答）

天上人间，信受奉行。

第八戒者，不骄，傲忽至真。

恣纵曰骄，妄自尊大曰傲，举意轻浮曰忽。夫上帝临，汝瞻之在前。皇天无亲，于乎不显。骄不居上，傲不可长（chang）。得道多助，证圣合真。一切人物，不行傲慢。常须自省（xing）己短，赞服人长（chang）。受持之后托生人中，获大道正法果。能持此戒，号曰得真戒。汝等仙子，可能持否。（众答）

天上人间，信受奉行。

第九戒者，不二，奉戒专一。

一切内无他想，心在方寸，曰不二。主敬而行，毋忘法律，曰奉戒。正心诚意，终日省（xing）察，名曰专一。唯一厥德，戒慎其独。高步劫仞，如登春台。受持之后托生人中，获大法王果。能持此戒，号曰登真戒。汝等仙子，可能持否。（众答）

天上人间，信受奉行。

如斯九戒，实乃三清之隐文，上天所宝，下世不传。悟一字得一字之功，受一戒得一戒之果。既闻秘语，必透玄微。琅函展处，当坛说破是非门。琼诰宣时，对面豁开生死路。

香烛花中不夜天，祥云影里透朱悬。

霞衣玉局临轩降，宝篆金章次第宣。

《生天宝箴》：

太上敕赦生天宝箴。

敕赦六道四生，孤魂滞魄，冥司地狱。北都罗酆，阴洞冥关。幽扃众囚，泉曲苦魂。胞孕血尸，产死女魂等众。夙世以来，至于今日。元因三孽六根，造诸罪恶。或不忠于君王，或不孝双亲。或诽谤大道，背真就伪。或伤残兄弟，谋及师尊。或劫贼杀害人命，或屠割众生自饶一身。或倚强凌弱，以贵虐贱。浮好三宝，执心不专。或轻慢师法，秽贱灵文。或心生阴贼，暗忍嫉妒。或恶口两舌，斗乱善人。或杀生淫祀，体露三光。或心生，或口语。或自作，或教他。自积以来，所有诸罪。赦除罪薄，落灭恶根。不得拘留，时刻升迁。七炁成形，六仪思虚。五灵续绝，二曜扶衰。旋罡摄斗，飞步云宫。胎胚有始，尘劫无终。金孕质城，玉洞凝神。真气内养，以成真人。上入六虚，下洞幽泉。云宫宝阙，中有真魂。出入福乡，周旋生门。咀嚼灵芝，灌漱金泉。甘露川流，玄注丹田。紫霞映朝（zhao），三气凝烟。琼室炼化，安座金莲。真气奄日，尘劫为年。一如诰命，风火驿传。

感谢真师给判书，形神俱妙合虚无。

超升好向天堂去，始信玄功庆有余。

此时因前世修，后世因此时修。莫谓无缘修不得，至今到岸好回头。休悲切，免伤情。这回非是等闲人，翻身举步风云送，化现长空月正明。诸仙子众，听吾因缘，一性朗然，万劫不迷。为上良因，志心称念。

法桥大度天尊，不可思议功德。

传戒事毕，本坛出给护送关门，合行宣示。

孤魂历劫恋尘缘，尽被黑孽万事缠。  
旷野幽关昏迷暗，今宵觉醒遇法言。  
太上洪慈垂妙旨，三皈九戒仗师传。  
从古忧苦咸脱化，一性逍遥上罗天。

闻法得渡天尊。

幢幡宝盖下瑶阶，童子传言地狱开。  
若要孤魂生仙界，宣上灵书中篇来。

《反八天》：

东方八天

亶娄阿荅。无愁观音。须延明首。法揽菩昙。稼那阿突。忽诃流吟。  
华都曲丽。鲜菩育臻。答落大梵。散烟庆云。飞洒玉都。明魔上门。  
无行上首。回蹠流玄。阿陀龙罗。四象吁员。

南方八天

南阎洞浮。玉眸洗洗。梵形落空。九灵推前。泽落菩台。绿罗大千。  
眇莽九丑。韶谣缘遭。云上九都。飞生自騫。那育郁馥。摩罗法轮。  
震持无镜。揽姿运容。馥朗廓突。神纓自宫。

西方八天

刀利禅猷。婆泥咎通。宛薺滌色。太眇之堂。流罗梵明。景蔚萧嵎。  
易邈无寂。宛首少都。阿鉴郁竺。华莫延由。九开自辩。阿那品首。  
无量扶盖。扶罗合神。玉诞长桑。柏空度仙。

北方八天

纒无自首。九日导乾。坤母东覆。形摄上玄。陀罗育邈。眇气合云。  
飞天大丑。总监上天。沙陀劫量。龙汉瑛鲜。碧落浮黎。空歌保珍。  
恶突无品。洞妙自真。元梵恢漠。幽寂度人。

天地造化在中央，心肾无非水火乡。  
寄与炼师休妄想，莫留离卦作南昌。

三阳济炼，最上妙缘。承斯圣力，普济群生。伏愿，风雷铜柱变清凉之净境，溟冷镬汤化七宝之瑶池。罗酆山下作蓬莱之阆苑，铁围无间成洞府之仙乡。三途息苦，八难超升。先亡祖弥，师友宗亲。速居快乐之乡，早登人天之路。修真霞友，闻法善人。悟本性之真元，了玄关之要妙。四恩普报，三宥齐资。一切有情，同登道岸。  
志心称念，太乙救苦天尊，酆都赦罪天尊，九幽拔罪天尊，不可思议功德。

功德法事已周圆，诸真上圣各归天。  
今宵大说慈悲法，礼毕还当下宝坛。

法桥大度天尊。

玄元开化道经师，普度人天朝（chao）太虚。  
接引亡魂瞻师座，当坛稽首礼皈依。

《跑马韵》：

稽首皈依无上道，回谢太乙救苦尊。  
稽首皈依无上经，回谢十方灵宝尊。  
稽首皈依无上师，回谢道场诸圣众。  
香供养，道经师宝天尊。

向来济炼功德，以遂云周。九玄七祖以超升，四生六道而脱化。男乘白鹤，女跨青鸾。逍遥不夜之天，清静长明之境。伏愿  
东极慈尊放祥光而接引  
南丹真老指云路以超升。道归三千金世界，常安常乐。天京十二玉楼，爰处爰居。

《快澄清韵》：

千江有水千江月，万里无云万里天。此夜好乘功德力，当来果报善因缘。

仰凭道力，为上良因。志心称念  
太乙救苦天尊，九幽拔罪天尊，生天得道天尊，不可思议功德。

《全真青玄济炼焰口铁罐施食全集》（全卷终）

承太上垂科秉东华演教邱祖龙门派第三十二代玄裔焚修弟子陈景展 沐手敬录  
道历四七〇六年二月廿一ô ô 廿三日